

Hiru hilabete merkatuan

Euskal Sagardoak 2016koa izan du lehen uzta. Ekainaren 9an aurkeztu ziren lehen botilak jendaurrean. Guztira 1.320.000 litro egin ziren 2016ko uztan eta poliki-poliki sartzen ari da supermerkatu, denda, taberna, jatetxe eta bestelako salmenta puntuetan.

Datozen hilabeteetako helburua da kontsumitzaileari jakinaraztea zer den Euskal Sagardoa marka eta zer dagoen marka horren atzean: bertako baserrietako lanari bere balioa ematea, eta bertako sagardoaren balioa nabarmentzea. Estrategia horretan, Sagargileen elkarteak, Sagardogileen Elkarteak eta Eusko Jaurlaritza eta Foru Aldundiak elkarlanean ari dira, eta azken urteetako lanketa horren emaitza da jatorri deitura berria.

2016an, 36 sagardogile

2016ko lehen uztan, 200 sagasti desberdinetako sagarra erabiltuta 36 sagardogilek egin zuten Eus-



Euskal Sagardoak 2016koa izan du lehen uzta eta ekainaren 9an aurkeztu ziren lehen botilak jendaurrean.

LEHEN UZTA

**“2016ko lehen uztan,
200 sagasti ezberdinetako
sagarra erabiltuta
36 sagardogilek egin
zuten Euskal Sagardoa”**

kal Sagardoa. 29 Gipuzkoan, 5 Bizkaian, 2 Araban.

2017an, 40tik gora

2017ko uztan sagargile eta sagardogile berriak sartuko dira

jatorri deituran “eta abendurako datu zehatzen berri emateko moduan izango gara, baina, 40tik gora izango dira sagardogileak eta 250etik gora sagastiak”.

Lepoan sagar gorria duten botilak

Kontsumitzaileak merkatuan erraz identifika dezan, botila bakoitzak bere sagardotegiaren etiketa darama, baina Euskal Sagardoaren irudia izango du botilaren goikaldean, kapsula edo/eta lepoko sagar gorria.

“Sagardotegi batzuk hasi dira muztioa elaboratzen”

Sagardoaren Lurraldeko sagardogile eta Fruitel-eko ordezkariak 2017ko sagardo sagarraren heldutasunaren txostena aurkeztu berri dute. “Iazko urtearekin alderatuta, sagarraren heldutasuna aurreratu egin da eta sagardotegiak dagoeneko sagarrak bildu eta muztioa elaboratzen hasiak dira”, prentsa-ohar bidez jakinarazi digutenez. Horiek dira txosten horretan zehazten diren bi puntu garrantzitsuenak.

Bertako 14 sagar barietate aztertu ondoren, azukre maila

iazkoaren berdina dela azpimarratu dute, almidoiaren erregresioak azken 5 urtetako mailarik altuena aurkezten duen bitartean. Sagardoaren Lurraldeko sagar eta sagardo ekoizleek uzta oparoa izango dela iragarri dute, ekoizpen askoko sagastiekin.

Asteburu honetan,

Sagar Uzta jaia Astigarragan

Uzta sasoiaren testuinguruan, Sagardoaren Lurraldeko ordezkariak 2017ko Sagar Uzta jaia antolatu dute.

Irailaren 21etik 24ra bitar-

tean jarduera ezberdinak gauzatuko dira: tailerrak, ibilbideak, pintxo-pote berezia, sagar postre lehiaketa... Egun nagusia irailaren 24koa izango da. Astigarragako Foru enparantzan sagarraren azoka egingo da, sagar eta muztio dastaketa, bertako baserrietako produktuen salmenta eta abar.

Denboraldiko lehen muztioa

Gainera, urtero bezala, denboraldiko lehen muztioa egingo da bertaturiko guztien artean “topa herrikoa” egiteko.

%100 tokikoa eta kalitatezkoa

Jatorri deitura duten sagardo-botila guztiek bi ezaugarri nagusi dituzte. “Alde batetik, Euskal Sagardoa %100 bertako sagarrez egindakoa da. Hori da, hain zuzen ere, jatorri deituraren helburu estrategikoetako bat: bertako sagarraren aldeko apustua sendotzea eta bultzatzea”. Horretarako Euskal Herriko 115 sagar mota desberdin onartu direla diote jatorri izendapenaren arduradunek.

Bestetik, bigarren ezaugarria kalitatearekin lotuta dago. “Euskal Sagardoa jatorri deitura duten botila guztiek kalitate-bermea izango dute. Fraisoro Laborategian egiten dira kalitate frogak, bai fisiko-kimikoak eta bai organoleptikoak”.

HAZI Fundazioak egiaztatu du prozesu osoa, hasi sagastitik eta botilaren salmentara arte.

Kontsumitzaileak, beraz, Euskal Sagardoaren jatorri deitura duen botila bat erosten duenean, ezaugarri horiek biak bermatuak izango ditu: tokikoa eta kalitatezkoa.

Egitasmo honetan hasieratik parte hartu duten eragile guztiek nabarmendu duteenez, sektorea batu izana da Euskal Sagardoa jatorri deiturak lortu duen helburu nagusietako bat, Araba, Bizkaia eta Gipuzkoako sagar eta sagardogileen elkarte guztiak, hiru herrialdeetako Foru Aldundiak eta Eusko Jaurlaritza elkartu baitira jatorri deiturari bultzada emateko.



Araba, Bizkaia eta Gipuzkoako 115 sagar mota dira izendapenaren onartutako sagar barietateak.